




2023-yil
28-oktabr
shanba
№ 130
(4882)

Ishonch

Yurt taraqqiyoti yo'lida birlashaylik!

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan

2,4

МИЛЛИОНТА ХОНАДОНГА ЭГАЛИК ХУҚУҚИ БЕРИЛАДИ

Ҳисоб-китобларга кўра, республикада **2,4 миллион**та хонадоннинг эгалик ҳужжати йўқ. Уларнинг кадастр ҳужжати қилинса, одамларга ҳуқуқий, иқтисодий замин бўлади.

Давлатимиз раҳбари 27 октябрь куни ер ресурсларидан оқилона фойдаланиш, ер ҳисобини юритиш ҳамда кадастр хизматларини яхшилаш масалалари бўйича йиғилиш ўтказди.

Унда ҳужжатсиз уй-жойларга эгалик ҳуқуқини бериш бўйича қонун лойиҳасини якунига етказиш вазифаси қўйилди.

Шунингдек, аҳоли узоқ йиллардан буён уй-жой сифатида фойдаланиб келаётган, лекин ҳужжатда қишлоқ ҳўжалиги ерлари бўлиб қолаётган 817 минг гектар ерни хатловдан ўтказиб, ер тоифасини ўзгартириш таклифи билдирилди.

Бу кўпчилик аҳолининг узоқ йиллик муаммоси ечимига хизмат қилади.



ГЕОЛОГИЯ СОҲАСИДАГИ УСТУВОР ВАЗИФАЛАР ТАҲЛИЛИ

Президент Шавкат Мирзиёев 27 октябрь куни геология ишларини кенгайтириш, фойдали қазилмаларнинг истиқболли конларини аниқлаш ва ўзлаштириш режаларига бағишланган тақдирот билан танишди.

Тақдиротда соҳада қилинган ишлар, фойдали қазилмаларни аниқлаш ва ўзлаштиришга хорижий ҳамкор ва инвесторларни жалб қилиш режалари кўриб чиқилди.

Давлатимиз раҳбари ҳисоботни тинглаб, келгуси йилда геология-қидирув соҳасида амалга оширилиши лозим бўлган вазифаларни белгилаб берди.

**Ҳозирча
72
медалга эгамиз**

Ханчжоу шаҳрида ўтаётган **IV Параолимпий ўйинлари** ўзининг қизғин палласига кирмоқда. Мазкур баҳсларда Ўзбекистон делегацияси **24 та олтин, 23 та кумуш ва 25 та бронза** жами 72 медаль жамғарган ҳолда умумжамоа ҳисобида **8 ғолиб** бормоқда.



Фахр

«БУ ЗАМИН МЕН УЧУН ҚУТЛУФ»



«Болаларим ва набираларимга Ўзбекистон ҳақида кўп гапирман. Уларга қўлларини кўксига қўйиб, «Ассалому алайкум» дейишни ўргатганман. Ижтимоий тармоқлар орқали Ўзбекистондаги янгиликларни кузатиб бораман. Ўзбек тилини унутиб юбормаслик учун ўзбекча фильмларни томоша қиламан. Кўпинча турли тadbирларга бу ердан олиб кетган миллий либосларни кийиб бораман. Танишларимга, гўзал мамлакатда ўқиганман, ишлаганман, бағрикенг, меҳмондўст одамлар орасида яшаганман, деб фахрланиб юраман».

Ёқут аёли Саргиланнинг сўзларини ғурур билан тингладик. Россиянинг Саха шаҳрида (Ёкутистон) яшовчи Саргилана Багинанова ўтган асрнинг 80-йилларида Тошкентдаги олийгоҳни татомлаб, йўлланма билан Сардоба тумани кутубхонасида иш фаолиятини бошлади.

Аслида ёқут қизи йўлланма бўйича икки йил ишлаб, сўнг юртига қайтиб кетмоқчи эди. Лекин у чўлликлар билан қадрдонлашиб, тиллашиб, шу ерда бир неча йиллар яшаб, меҳнат қилди. Кейинчалик туман ҳокимлигига масъул вазифага ўтди. Шу тарихи Саргилана сирдарёликка айланади-қолади...

1992 йили Саргилана она-онанининг қистови билан она юртига қайтиб кетди. Оила қурди, фарзандлар кўрди. У касбини ўзгартирди, яъни ёшлигидан орзу қилган журналистика соҳасида фаолият олиб борди ва ҳамон ишлаб келмоқда. Ёқут аёлининг юртимизга меҳри, она тилимизга ҳурмати бўлакча.

Яқинда С.Багинанова бир ғурух ёқутистонлик журналистлар билан Ўзбекистонга келди. Бу гал қизи Иванна ҳам онасига ҳамроҳ бўлди.

— Бу замин мен учун қутлуф жой саналади. Иккинчи қизимга ўзбекнинг хассос шоираси Зулфияxonим исмини қўйганман, — дея ҳаяжон билан туйғуларини баён этди у.

Саргилана Багинанова ўзбек тилида равон гапирди. У Ўзбекистонни иккинчи Ватаним, деб билади. Тарихий шаҳарлар Самарқанд ва Бухородаги, ёшлиги ўтган Сардобадаги улкан ўзгартишлар ҳақида Ёкутистон Республикасидаги «Қыым», яъни «Учкун» газетасида туркум мақолалар эълон қилмоқчи экан. Биз ўзбек тилини ардоқлаётган ҳамкасбимизга ижодий парвозлар тиладик.

Холида ПАРДАБОВА

Яна ортга сурилаётган кутилмалар

Ўзбекистон касба уюшмалари Федерациясида куну тун фаолият кўрсатадиган қисқа рақамли

1211

«Ишонч телефони», яъни «Call-center»га мамлакатимизнинг турли ҳудудларида, олис ва чекка қишлоқларида яшаётган хотин-қизлар ўз муаммолари бўйича исталган вақтда мурожаат қилишлари мумкин.



КАСАБА УЮШМАСИ АРАЛАШГАЧ...

ҚОНУННИ БИЛГАН ҚОҚИЛМАЙДИ

Мастураҳон Шералиева Андижон тумани ҳокимлигида котиба лавозимида бинойидек ишлаётганди. Унга меҳнат шартномаси муддати тугаши сабабли ишдан бўшатилгани ҳақидаги буйруқни қўлига тутқазишганида ажабланди.

Ҳолбуки, 2023 йил 30 апрель кунига қадар амалда бўлган Меҳнат кодексининг тегишли моддасига кўра, муддатли меҳнат шартномаси муддати тугаши билан бекор қилинади. Агар муддат тугагандан кейин ҳам меҳнатга оид муносабатлар давом этаверса, тарафлардан ҳеч бири бир ҳафта давомида унинг бекор қилинишини талаб қилмаган бўлса, шартнома номуайян муддатга узайтирилган деб ҳисобланади.

Котиба ушбу ҳаракатдан норози бўлиб, Ўзбекистон касба уюшмалари Федерациясининг Андижон вилояти кенгашига мурожаат қилди.

Ўз навбатида, вилоят кенгаши меҳнат ҳуқуқ инспекцияси бош мутахассиси Муҳамадали Куббиев мурожаатчи номидан фуқаролик ишлари бўйича Андижон туманлараро судига даъво аризаси киритди.

Суд даъвои қаноатлантириб, ҳоким буйруғини бекор қилди. Ко-

тиба фойдасига мажбурий бекор юрган кунлари учун 13 миллион 765 минг 630 сўм иш ҳақларини ундириш ҳақида қарор чиқарди.

Кўпинча қонунларни билмаслигимиз ёки андиша сабаб ҳуқуқ ва манфаатларимиз поймол бўлиши мумкин. Бундай пайтда касба уюшмалар сизнинг манфаатларингизнинг ишончли ҳимоячиси эканини ҳеч қачон унутмайлик.

Севара ҲОШИМОВА,

Давлат муассасалари ва жамоат хизмати ходимлари касба уюшмаси Андижон вилояти кенгаши раиси



www.ishonch.uz



ishonch1991@yandex.uz



https://www.facebook.com/ishonch.gazetasi



https://t.me/ishonchgiz



Халқаро анжуман



Қозоғистон Республикасининг Чимкент шаҳрида «Шарқий Европа ва Марказий Осиёда иқлим ўзгариши ва адолатли ўтиш масалаларида қасаба уюшмаларининг ҳаракатлари» мавзусида тўрт кунлик минтақавий семинар бўлиб ўтди.

Яшил иқтисодиёт
АФЗАЛЛИКЛАРИ

Унда Ўзбекистон қасаба уюшмалари Федерацияси делегацияси иштирок этди.

Халқаро меҳнат ташкилоти масъуллари, Қозоғистон, Тожикистон, Туркменистон, Озарбайжон, Қирғизистон қасаба уюшмалари миллий марказлари вакиллари ҳам қатнашган анжуманда яшил иқтисодиётга ўтишнинг афзалликлари ҳамда адолатлилиги ҳақида атрофлича сўз борди. Шунингдек, халқаро меҳнат нормаларининг яшил иқтисодиётга жалб этилиши муҳокама қилинди.

Қатор халқаро экспертларнинг яшил иқтисодиётга ўтишнинг адолатли тамойиллари борасидаги маърузалари барчада катта қизиқиш уйғотди. Ушбу экологик моделнинг ҳудудий, миллий ва глобал даражадаги аҳамияти ўрганилиб, зарур кўрсатмалар берилди.

Умида ХУДОЙБЕРГАНОВА
«ISHONCH»



Фарғона вилояти

Тошлоқ тумани Хонариқ қишлоғида 4 минг 294 нафар аҳоли истиқомат қилади. Маҳалла инфратузилмасини яхшилаш мақсадида давлатимиз раҳбарининг 2022 йил 25 октябрь кунги қарори ижросини таъминлаш мақсадида 1,7 км. ичимлик сув тармоғи тортилди. 1 та сув иншооти қурилди. Шунингдек, 5 км. ички йўللарга шағал ётқизилди.

Ўрганишлар давомида «Аёллар дафтари»га киритилган 132 нафар оила бекасининг 113 нафари ишсиз сифатида қайд этилган бўлса, қисқа вақт ичида уларнинг 107 нафари иш билан таъминланди. Маҳаллада яшовчи 6 нафар аёлга субсидия асосида тикув машинаси берилди.

– Сабзавотчилик маҳалламизнинг драйвери сифатида белгиланган, – дейди «Хонариқ» МФЙ раиси Рўзбой Мирзаев. – Ҳозирда айни йўналишда ҳар бир оила билан ишлаб, томорқадан унумли фойдаланиш ва шу орқали қўшимча даромад манбаини яратиш борасида изчил саъй-ҳаракатлар давом этмоқда.



Сирдарё вилояти

ҲАЁТБАХШ ҲУЖЖАТ МОҲИЯТИ

Ўзбекистон қасаба уюшмалари Федерацияси Сирдарё вилояти кенгаши томонидан ўтказилган навбатдаги «Маънавият соати»да 2030 йилгача бўлган даврда барқарор ривожланиш соҳасидаги миллий мақсад ва вазифалар аниқ ва лўнда белгилаб берилган стратегиянинг мазмун-моҳияти ҳақида сўз борди.



«Аёллар дафтари»ни varaқлаганда...

БАРҚАРОР ДАРОМАД МАНБАЛАРИ

Масалан, «Аёллар дафтари»да турувчи Дилноза Холмирзаевага 15 сотих ер ажратиб берилди. Тикув машинасининг совға қилиниши эса Дилноза опанинг кўнглини тоғдек кўтарди. Натижада ушбу оила барқарор даромад манбаларига эга бўлди.

«Хонариқ» МФИда мамлакатимизда ҳаётга тат-

биқ этилаётган эзгу ташаббуслар ижросини таъминлаш борасида белгиланган вазифалар изчиллик билан олиб борилмоқда. Бу ислохотлар самарасини ҳар бир оила мисолида кўриш мумкин.

Жамшид ЭРГАШЕВ
«ISHONCH»



Жиззах вилояти

Жиззахда «Маданият, спорт ва туризм ходимлари қасаба уюшмалари ташкилот ва муассасаларида меҳнатни муҳофаза қилиш ишларини ташкил этиш» мавзусида ўқув-семинар бўлиб ўтди.

Тармоқ ходимлари қасаба уюшмаси вилоят бирлашган ташкилоти томонидан уюштирилган тадбирда спорт, музика ва санъат мактаблари, маданият бўлимлари ҳамда тармоққа тегишли бошқа бошланғич ташкилотларнинг қасаба уюшма раислари ҳамда меҳнат-муҳофазаси бўйича масъул ходимлар қатнашди.

Ўқув-семинарда қасаба уюшмалари фаолиятининг асосий йўналиши бўлган меҳнат муҳофазасини ташкил этиш бўйича ишлаб чиқилган тавсияларнинг аҳамияти ва уларни амалда қўллаш ҳақида қасаба

МУНОЗАРА МАВЗУСИ – МЕҲНАТ МУҲОФАЗАСИ

уюшмалари Федерацияси вилоят кенгаши мутахассисларининг маърузалари тингланиб, муҳокама қилинди. Шунингдек, тармоқ ходимлари қасаба уюшмаси Республика кенгаши томонидан тайёрланган услубий тавсиялар тақдироти ҳам бўлиб ўтди.

– Мамлакатимиз иқтисодиётининг ривожланиши меҳнат қонунчилигига риоя этилиши устидан назоратнинг шакли ва услубларини такомиллаштириш заруратини келтириб чиқараётир, – деди Республика кенгашининг меҳнатни муҳофаза қилиш бўйича бош мутахассиси А.Умаров. – Иқтисодий муносабатлар-

даги ўзгаришлар жараёнида меҳнатни муҳофаза қилиш фаолиятини самарали амалга ошириш мақсадида Республика кенгаши томонидан услубий тавсиялар ишлаб чиқилди. Бу қасаба уюшмалари ташкилотларининг меҳнатни муҳофаза қилиш йўналишидаги фаолиятини янада кучайтиришга хизмат қилади.

Иштирокчилар амалий аҳамияти катта бўлганини эътироф этган ўқув-семинар савол-жавоблар, мунозаралар билан бой тарзда кечди.

Муқимбой ИСМОИЛОВ
«ISHONCH»



Тошкент вилояти

Ички туризм

Ангрен Иссиқлик электр станцияси қасаба уюшма қўмитаси томонидан корхонанинг 50 нафар ишчи-ходими учун Самарқанд шаҳрига саёҳат ташкил этилди.

ГЎЗАЛ КЕНТ ҲАЙРАТЛАРИ

Ходимлар тарихий обидаларнинг гўзаллиги ва ўзига хослигини фаҳр ва зўр ҳаяжон билан кўздан кечиришди.

– Йил бошидан буён «Ўзбекистон бўйлаб саёҳат қил!» шиори остида кўпгина ходимларимиз Хоразм вилоятининг Хива шаҳри, Тошкент шаҳри, Самарқанд каби тарихий шаҳарларга, шунингдек, театр ва концерт томошаларига юборилди, – дейди «Ангрен ИЭС» қасаба уюшма қўмитаси раиси Яйра Агзамова. – Корхонамиз қасаба уюшмаси ташаббуси билан ҳар бир байрам ва тарихий саналар уюшқоқлик билан ўтказилади. Хусусан, байрам дастурхонлари ташкил қилиниб, ижтимоий ғимояга муҳтож ходимлар, кексалар ва соҳада узоқ йиллар фаолият юритган ходимларга эҳтиром кўрсатилади.

Ўтган даврда 7 нафар ходим ижтимоий сўғурта ҳисобидан, 9 нафар ходим аъзолик бадаллари ҳисобидан юртимизнинг «Чортоқ», «Турон», «Зомин», «Чимён», «Оқтош» ва бошқа сиҳатгоҳларда саломатликларини тикладилар. «Коинот», «Угам» оромгоҳларида жами 39 нафар ходимнинг фарзандлари соғломлаштирилди.

Шаҳноза МАҲМУДОВА,
«Ангрен ИЭС» қасаба уюшма қўмитаси ходимаси

Конференция

ЁШ ОЛИМЛАР ҲАМИША ЭЪТИБОРДА

Ўзбекистон Фанлар академияси Бирлашган қасаба уюшма қўмитаси ва Ёш олимлар кенгаши ҳамкорлигида «Янги Ўзбекистон фани ва таълимни ривожлантиришда ёшларнинг ўрни» мавзусида ёшлар конференцияси бўлиб ўтди.

Анжуманда тараққиётга эришиш учун рақамли билимлар, замонавий ахборот технологияларини эгаллашимиз зарурлиги, бу бизга юксалишнинг энг қисқа йўлидан бориш имкониятини бериши, зеро бугун дунёда барча соҳаларга ахборот технология-

лари чуқур кириб бораётгани эътироф этилди.

Хусусан, Ўзбекистон Фанлар академияси Бирлашган қасаба уюшма қўмитаси раиси Шерзод Жўраев ушбу тадбир яқинлашиб келаётган 11 ноябрь – Ўзбекистон қасаба уюшмалари кунини арафасида ташкил этилаётгани билан

ҳам катта аҳамият касб этишини таъкидлади.

350 нафардан зиёд ёш олимлар иштирок этган анжуман иштирокчилари шўъбаларга бўлинган ҳолда мунозараларга киришишди.

Анжуман якунида «Энг яхши мақола», «Энг яхши тақдимот», «Энг яхши инновацион ғоя» ва «Энг яхши ишланмалар» номинацияси ғолиблари сертификат ва эсдалик совғалари билан тақдирланди.

Саид ГҲЛЯМОВ,
ЎзФА Ёш олимлар кенгаши раиси





Тошкент
вилояти

Нурафшон шахрида ташкил этилган «Сен kuchlisан» ижтимоий лойиҳаси доирасидаги расмлар кўргазмасида қатнашдим. Икки кун ўтказилиши режалаштирилган кўргазмада гематологик ва онкологик касалликлар билан курашаётган болалар чизган расмлар намойиш этилди.

Эзгулик



Ҳаёт сувратлари

Битта расм эътиборимни кўпроқ тортди. Хуллас, катта оқ қоғозга ўн уч нафар бемор боланинг рангли бўёқларга ботирилган кафти босилган. Ташкилотчи аёл бу кафтлар эгаларининг фақатгина биттаси тирикчилигини, у айни пайтда оғир дард билан курашаётганини айтганида вуждим музлади. Юрагим йиғлади...

Ҳар бири ўзгача маҳорат, завқ билан чизилган расмларга турлича номлар берилган: «Таскин», «Меҳрибон мактаб», «Бахтли болалик», «Сен kuchlisан» каби. Ташкилотчилар берган маълумотга кўра, шу кунгача 800 дан ортиқ расмларни чизган болаларнинг ярми орамизда йўқ экан...

– Лойиҳани шу йилнинг август ойида бошлаган эдик, – деди «Сен kuchlisан» лойиҳаси асосчиси Маржона Нурмуҳаммедова. – Биринчи ойдаёқ расмлар 15 миллион сўмга сотилди. Лойиҳа молиялашгач, болаларнинг ҳар бири ижоди учун ҳақ ола бошлади. Ана шунда уларнинг руҳиятида бошқача ўзгаришлар содир бўлди. Бу уларнинг борган сари расм чизиш маҳорати ошиб боришига туртки берди. Сентябрь ойидаги кўргазмада эса, 45 миллион сўмлик расмлар сотилди.

Кўргазма шартларига кўра, расмларга ҳеч қандай нарх белгиланмади. Ҳамма иштирокчи истаган нархда сотиб олиши мумкин. Тадбир сўнггида кимосида савдоси ташкил қилинади. Ушанда кўнгилли инсонлар ижтимоий ҳолати оғирроқ болалар чизган, нисбатан профессионал ёндашилган расмларни кўтарган нархига сотиб олади. Ташкилотчиларнинг болалар билан алоҳида келишувлари бор экан. Яъни, кимосида савдосида сотилган расмлардан тушган маблағларнинг тенг ярми муаллифга, ярми эса расмлари сотилмай қолган болаларга тақсимлаб бериларкан. Бундан келиб чиқадик, тадбирда қатнашган ҳар бир бола пул билан мукофотланади. Ҳаттоки, чизган расми сотилмаса ҳам. Мана бунинг хаёли дард билан эмас, ижод билан, яхши кайфият билан банд бўлишига туртки бўладиган ажойиб усул дейиш мумкин.

Маълум бўлишича, гематологияда даволанаётган Қодирберди исмли боланинг иммун тизими жудаям паст бўлган ва у муолажалар толиқтирганидан, телефонга мурожаат қилишганида, боланинг расм чизишга катта иқтидори борлигини билишган. Биринчи ойда унинг расмлари 2 миллионга сотилади. Кейинги ойда 2 ярим миллионга. Ҳозир шу бола бир-биридан бетакрор асарлар яратяпти ва телефонга умуман қарамай қўйган.



МАЪЛУМОТ УЧУН, ИККИ КУН ДАВОМ ЭТГАН КЎРГАЗМАДА ҚАРИЙБ 45 МИЛЛИОН СЎМЛИК РАСМЛАР СОТИЛДИ. ЭНДИ УШБУ МАБЛАҒЛАР ИШТИРОКЧИ БОЛАЛАРГА ТАҚСИМЛАБ БЕРИЛАДИ. ЛОЙИҲА «СЕН КУЧЛИСАН» НОМИ ОСТИДА <https://t.me/senkuclisanm> ТЕЛЕГРАМ КАНАЛИ ОРҚАЛИ ҲАМ ФАОЛИЯТ ЮРТИМОҚДА. УШБУ КАНАЛДА БЕМОР БОЛАЖОНЛАР ҲАҚИДАГИ МАЪЛУМОТЛАР ВА УЛАР ЧИЗГАН РАСМЛАРНИНГ ОНЛАЙН САВДОСИ ҲАМ ТАШКИЛ ҚИЛИНГАН.

Деярли барча соҳада бўлгани каби тиббиётда ҳам техникаларга «қулоқ» сола бошлаганимизга анча бўлди. Шу маънода, УТТ текшируви ҳам бизга бегона эмас. Лекин баъзан «УТТда уч марта текширганидаям ҳомилани қиз дейишганди, адашишган экан, ўғилли бўлдим» ёки «ўт қопимда УТТ текширувида учта тош бор дейилганди, операцияда хирург битта тош олиб ташлади» каби гап-сўзларни эшитамиз. Баъзида эса, бутунлай аксинча фикрларни айтишади: «Яхшиям УТТда текширтирганим, бўлмаса, касаллик авж олиб кетаркан». Ана шундай гапларга ойдинлик киритиш мақсадида, қарийб ўттиз йилдан буён Тошкент тиббиёт академиясида УТТ текширувида ишлаб келаётган тажрибали мутахассис, шу мутахассислик бўйича номзодлик ишини ёқлаган Мамаражаб ХУРРАМОВНИНГ фикрлари билан қизиқдик.



Орамиздаги одамлар

ИСТАРАЛИК ЎРОЛ ҲАЙКАЛТАРОШ

Азим Ҳусанов ва Ўнғал Маматқулова узоқ йиллар да- лада меҳнат қилишди. Ҳаргиз қўлларидан кетмон тушмади. Катта оилани ҳалол пешона тери эвазига тебратиб, 8 ўғил, 3 қизни вояга етказишди. Барчасини одоб-ахлоқли ва меҳр-оқибатли қилиб тарбиялашди.

Тўғри, ўртада Азим ака бир муддат ҳайдовчилик, Ўнғал опа фермада сўт соғувчилик қилди. Кейинчалик ижарага ер олиб, оилавий пудрат асосида деҳқончилик билан шуғулланишди. Пахта, ғалла, пилла ва полиз маҳсулотлари етиштиришди.

Эр-хотин ўзаро маслаҳатлашиб, фермер бўлишни ҳам мўлжаллашганди. Аммо унинг минг бир машаққатлари, хатто, ўзига хос «ўйинлари» ҳам бор экан. Энг ачинарлиси, 2010 йили Азим ака вафот этди. Ўша кезлари тўнғич фарзандлари оилани бўлишганди. Қолганларини тарбиялаб, ўғли-жойли қилиш эса Ўнғал опа билан катта акалар ва опалар гардианига тушди.

Оиланинг энг кенжаси Ўрол Ҳусанов 1986 йили туғилган. У болалигиданоқ тенгдошларидан ўйчанлиги, вазмин-босиқлиги ва яна бошқа жиҳатлари билан ажралиб турарди. Дарсдан бўш

кўрсатиш ва сервис, Шеробод алоқа касб-хунар коллежларида ўқувчиларга сабоқ берди. Кейинчалик халқ таълими бўлимида фаолият юритди.

У яратган санъат асарларини ҳозир Сурхон воҳасининг барча гушаларида учратасиз. Жумладан, «Surxondaryo viloyati» ёзуви битилган, вилоят ҳудудида кириш-чиқиш жойига ўрнатилган бадий безакли стела ҳам унинг муаллифи бўлган. Мил-монимизнинг Бой-устидаси кўйи боқиб этти-ҳа -



вақтлари қўй-қўзиларни боқар, ариқ ва зовур бўйларига лойдан хонаки жониворлар, қушлар ва ҳар хил иморатлар шакл-шамойилини ясар эди. Кейинчалик инсонлар ҳайкалини яратишга одатланди. Шунданми, ўзининг киндик қони томган Қизирқ туманининг Истара қишлоғидаги ўрта мактабнинг 9-синфини битиргач, Термиз санъат коллежиди ўқий бошлади.

– Биринчи устозим бадий безакчи-рассом, асли шерободлик бўлган Жума Ҳамидов эди, – деб эслайди Ўрол Ҳусанов. – У киши «Истара» давлат хўжалигида мусаввир бўлиб ишлар ва мен сингари санъатсевар ёшларга ҳафтада икки марта машғулот ўтарди. Иккинчи устозим тасвирий санъат ва чизмачилик фани ўқитувчиси Мамаражаб Самадов бўлди. Мен ундан қоғоз-қалам ва ранг-бўёқ билан ишлашни ўргандим. Шунингдек, Илҳом Жабборов ва Нортжи Миртожиевдек машҳур санъат усталаридан ҳам озми-кўпми сабоқ олдим, бирга меҳнат қилиб, соҳа сир-асрорларини кунт билан ўзлаштирдим...

Ўрол Ҳусанов коллежни тугатгандан сўнг дастлаб Термиз шаҳридаги ўғил болалар турк лицейида, Термиз маиший хизмат

тив буюмларга ва деворларга чизган суратларга боқсангиз, барчаси худди тирикдек кўз ўнгингизда гавдаланади. Турли жониворлар, йиртқич ҳайвонлар, паррандаю даррандалар, ўсимликлар, қолаверса, инсон тасвирлари, замину осмон акс этган амалий санъат асарларини кўриб, Ўрол Ҳусанов ноёб истеъдод соҳиби эканлигига тан берасиз. Буюк алломаларимизнинг у ясаган бюстлари ва ҳайкаллари олдида ҳайратингиз янада ошади. Шунингдек, от, шер, кийик, айик, лайлак, панда, йўлбарс, бургут, ҳумо қўшининг узган ҳайкаллари сизга битмас-туганмас маънавий озуқа беради.

Ўролнинг қўлида жило топан кўплаб катта-кичик ҳайкаллар, санъат маҳсулотлари воҳадаги олий ва ўрта таълим муассасалари, мактаблар, боғчалар, ижтимоий соҳа объектларини безаб турибди. Унинг қалб кўри ва заҳматли меҳнатлари эвазига яратилган ижодий ишлар ҳар йили ўтказиладиган Наврўз ва Мустақиллик байрамларида ҳам кенг намойиш этилади.

Қолаверса, расом уларни интернет ва телеграм ижтимоий тармоқларига жойлаб боради. Эҳтимол, шундандир, бу асарларнинг харидорлари ҳам, буюртмачилари ҳам кўп.

Ўрол Ҳусанов охириги йилларда туман ва вилоят миқёсидаги кўрик-танловларда тадбиркор-санъаткор сифатида қатнашиб, бир неча бор ғолибликни қўлга киритди. Айни дамларда эса навбатдаги йирик лойиҳа устида ишломалди. Аниқроғи, ўзи яшаётган туман логотипини яратмоқда.

Яна бир гап. Ўрол баракали ижод қилиш баробарида 10 нафар маҳалладошнинг доимий иш билан таъминлаган. Уларнинг баъзилари 5 миллион сўмгача миқдорда ойлик маош олишади.

– Аслида шогирдларим йигирма нафардан кўп, – дейди Ўрол Ҳусанов. – Ҳозирча ярмидан ортинининг қўли ишга анча келишиб қолган. Мен Азизбек, Сардор, Алпомиш Азимовлар, Жума ва Рўзи Ҳусановлар, Худойбер Ибрагимов, Ниёзбек Эшниезов, Юсуф Бакиров сингари санъатсевар ёшларга қўлимдан келганча касб ўргатаямман. Умида, Зиннура ва Солиҳа исмли қизларим ҳам шогирдларимга қўшилиб, лойдан ажиб нарсалар ясаляпти. Эҳтимол, улар ҳам менинг изимдан бориб, келажақда санъаткор бўлиб етишишар...

Чори ЖУМАҚУЛОВ
«ISHONCH»

МУАССИС:

O'zbekiston kasaba uyushmalari Federatsiyasi

ISSN 2030-5002

2007-yil 11-yanvarda O'zbekiston Matbuot va axborot agentligida 116-raqm bilan ro'yxatga olingan.

«Ishonch» va «Ishonch-Doverie» gazetalarini tahrir hay'ati:

Qudratilla RAFIQOV (tahrir hay'ati raisi), Ulug'bek JALMENOV, Anvar ABDUMUXTOROV, Sayfulla AHMEDOV, Akmal SAIDOV, Ravshan BEDILOV, Qutlimurot SOBIROV, Suhrob RAFIQOV, Shogqosm SHOILOMOV, Hamidulla PIRIMQULOV, Nodira G'OYIBNAZAROVA, Anvar QULMURODOV

(Bosh muharrirning birinchi o'rinboshari), Mehridin SHUKUROV (Mas'ul kotib – «Ishonch»), Valentina MARSENYAK (Mas'ul kotib – «Ishonch-Doverie»)

Bosh muharrir
Husan ERMATOV

Bo'limlar:
Kasaba uyushmalari hayoti – (71) 256-64-69
Huquq va xalqaro hayot – (71) 256-52-89
Milliy-ma'naviy qadriyatlar va sport – (71) 256-82-79
Xatlar va muxbirlar bilan ishlash – (71) 256-85-43
Marketing va obuna – (71) 256-87-73

Hududlardagi muxbirlar:
Qoraqalpog'iston Respublikasi – (+998-99) 889-98-20
Andijon viloyati – (+998-99) 889-90-23
Buxoro viloyati – (+998-99) 889-90-31
Jizzax viloyati – (+998-99) 889-90-34
Namangan viloyati – (+998-99) 889-98-02
Navoiy viloyati – (+998-99) 889-90-28
Samarqand viloyati – (+998-99) 889-90-26
Sirdaryo viloyati – (+998-99) 889-98-55
Surxondaryo viloyati – (+998-99) 379-19-70
Toshkent viloyati – (+998-99) 600-40-44
Farg'ona viloyati – (+998-99) 889-90-24
Xorazm viloyati – (+998-99) 889-98-01
Qashqadaryo viloyati – (+998-99) 889-90-27

«Ishonch»dan olingan ma'lumotlarda manba sifatida gazeta nomi ko'rsatilishi shart.

Mualliflar fikri tahririyat nuqtai nazaridan farqlanishi mumkin.

Navbatchi muharrir:
S.Abdurrahmonov

Musahhihlar:
D.Xudoyberganova, D.Ravshanova

Sahifalovchi:
H.Abdullajilov

Bosishga topshirish vaqti – 00:10
Topshirildi – 00:30

Bahosi kelishilgan narxda

Manzilimiz:
100165, Toshkent shahri, Buxoro ko'chasi, 24-uy.
E-mail: ishonch1991@yandex.uz

Tahririyat hisobraqami:
2021 0000 0004 3052 7001,
ATIB «ipoteka bank»
Yashnobod filiali,
bank kodi: 00959,
STIR: 201133889,
OKED: 58130

Gazeta haftanin seshanba, payshanba va shanba kunlari chiqadi.
Gazeta «Ishonch»ning kompyuter markazida teriladi va sahifalandi.

Gazeta ofset usulida, A-2 formatida bosildi.
Hajmi 2 bosma taboq.
Buyurtma 583
Nashr ko'rsatkichi: **133**

Umumiy adadi 30344
16331 nusxa «Erudit» MCHJ boshmaxonasida chop etildi.
Korxona manzili:
Samarqand shahri, Spitamen ko'chasi, 270-uy.

УТТ ТЕКШИРУВИГА ИШОНСА БЎЛАДИМИ?

– (УЗИ) УТТнинг яхши ва ёмон томонлари борми?
– УТТ бемордаги касалликларни аниқлашда шифокорга кўл келади. Ушбу текширувнинг биргина салбий томони шуки, ҳомилдорлик даврида кўп текширувдан ўтишни тавсия қилмайман. Унинг ривожланаётган болага яхши ёки ёмон оқибатлари ҳақида тўлиқ маълумот берилмаган, лекин ҳомилдор аёллар ўрнатилган тартибда ва оралиқда УТТдан ўтишлари керак.

– Нега айнан шу соҳани танлагансиз?
– Энди ишни бошлаган вақтимда УТТ ривожланаётган даврлар эди. Тўғри, бугунги кунга келиб, МРТ, МСКТ ва КТР каби текширувлар анча ривожланди. Аммо УТТ текшируви биринчи ва хавфсиз текширув усули саналади.

– УТТдан қанча вақтда такрор ўтса бўлади?
– Бу саволга айнан текширувни тавсия қилаётган мутахассис-жавоб бериши керак. Чунки улар учун беморда қачон ва қандай ўзгаришлар кузатилаётгани ҳақидаги янги маълумотлар жуда муҳим ҳисобланади ва шунга қараб текширув тавсия қилинади.

– УТТда қайси аъзоларни текширса бўлади?
– Умумий текширувдан: жигар, ўт қопи, ошқозон ости беzi, талоқ, буйрак, қовуқ, простата беzi, аёллар жинсий аъзоси, ба-

чадон ва туҳумдонлар, ҳомила, эркаклар жинсий аъзоси, оёқ кон томирлари доплер (триплекс), бўйин томирлари (БЦФ) доплерографияси, Эхо КГ. Шунингдек, лимфа безлар, сўлак безлари доплерографияси. Ҳозирги кунда 3Д, 4Д ва эластографиялар рўйхатлар сонини яна кенгайтиради.

Аслида, УТТ аппаратлари 3 гуруҳга бўлинади: паст, ўрта ва юқори сифатли. Бу уларнинг танадаги аъзоларни аниқроқ кўришига қараб белгиланади.

– Қандай ҳолатларда УТТ текширувидан ўтиш мумкин эмас?
– Беморнинг ахволи меъёрга бўлмаса ёки ахволи оғир бўлса, УТТ текшируви мумкин эмас.

– Қайси касалликлар ёшаряпти?
– Минг афсуски, кўпроқ аёллар орасида миома ва варикоз касалликлари, эркакларда эса инфаркт миокарди, кон босими кўтарилиши ва қанди диабет аввалги йилларга нисбатан анча ёшарган. Шифокорларнинг ҳамisha берадиган тавсияси шуки, қайси давр, қайси ёшда бўлишингиздан қатъи назар саломатлигингиз ўз қўлингизда.

Сўхбатдош:
Зиёда РАЖАБ ҚИЗИ